
Сертификатга эга ўқитувчиларга ҳар ой қўшимча устамалар тўланади
Президент фармони билан 2022-2026 йилларда халқ таълимини ривожлантириш
бўйича миллий дастур тасдиқланди. Бу ҳақда ЎзА [хабар бермоқда](#).

Унга кўра, 2022 йил 1 сентябрдан бошлаб Халқ таълими вазирлиги тизимидаги
умумий ўрта таълим муассасаларида:

умумтаълим фанлари бўйича тегишли даражадаги сертификатга эга бўлган
педагог кадрларга ҳар ойлик қўшимча устама қуйидаги тартибда тўланади:

□ халқаро тан олинган сертификатга эга бўлган педагог кадрларга – уларнинг
тариф ставкасига нисбатан 50 фоиз миқдорида;

□ халқаро стандартлар талабларига жавоб берадиган миллий баҳолаш тизимида
олинган сертификатга эга бўлган педагог кадрларга – уларнинг тариф
ставкасига нисбатан 50 фоиз миқдорида. Бунда, миллий баҳолаш тизимининг
халқаро стандартлар талабларига жавоб бериши ваколатли халқаро
ташкilotлар томонидан тасдиқланган бўлиши лозим;

□ халқаро стандартларга жавоб бериши тан олинмаган ДТМнинг миллий баҳолаш
tizимида олинган сертификатга эга бўлган педагог кадрларга – уларнинг тариф
ставкасига нисбатан 20 фоиз миқдорида (чет тили бўйича сертификатлар бундан
мустасно);

халқаро стандартларга жавоб бериши тан олинмаган ДТМнинг миллий баҳолаш
tizимида чет тили бўйича олинган сертификатга эга бўлган педагог кадрларга
ҳар ойлик қўшимча устама:

□ 2025 йил 1 январга қадар – уларнинг тариф ставкасига нисбатан 50 фоиз
миқдорида;

□ 2025 йил 1 январдан бошлаб – уларнинг тариф ставкасига нисбатан 20 фоиз
миқдорида тўланади;

ҳар ойлик қўшимча устама сертификат амал қилиш муддати давомида, лекин уч
йилдан кўп бўлмаган вақт мобайнида тўланади;

умумтаълим фанлари бўйича бир нечта сертификатга эга бўлган педагог
кадрларга ҳар ойлик қўшимча устама фақат биттасига — юқорироқ устама олиш
ҳуқуқини берувчи сертификат [бўйича тўланади](#).

2022-05-13 09:18:54